



ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

08 մայիսի 2024 թվականի թիվ 48-Ա

ք. Երևան

«ԹԻՎԻՆԵՏ» ՍՊ ԸՆԿԵՐՈՒԹՅԱՆ ՆԿԱՏՄԱՄԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովը (այսուհետ՝ Հանձնաժողով), ուսումնասիրելով 2024 թվականի ապրիլի 16-ին իր նախաձեռնությամբ հարուցված թիվ 18 վարչական վարույթի նյութերը, **պարզեց**.

Հանձնաժողովը «Տեսալսողական մեդիայի մասին» օրենքով (այսուհետ՝ Օրենք) վերապահված իր վերահսկողական գործառույթներն իրականացնելիս հայտնաբերել է Օրենքի պահանջի խախտում, այն է՝ ցանցային օպերատորի գործունեություն իրականացնող «ԹԻՎԻՆԵՏ» ՍՊ ընկերության (այսուհետ՝ ցանցային օպերատոր) կողմից տեսալսողական ծրագրերն առանց պայմանագրի վերահաղորդում իրականացնելու Օրենքի դրույթի պահանջի խախտման փաստ:

Հանձնաժողովը, ղեկավարվելով Օրենքի 32-րդ հոդվածի 1-ին մասի 14-րդ կետով և 42-րդ հոդվածով, համաձայն որի՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով, և հիմք ընդունելով Հանձնաժողովի նախագահի 2024 թվականի ապրիլի 10-ի թիվ 17-Ա հրամանը, իրականացրել է ցանցային օպերատորի մոտ մշտադիտարկում՝ տեղում դիտարկում իրականացնելու միջոցով:

Տեղում դիտարկում իրականացնելու արդյունքում 2024 թվականի ապրիլի 16-ին Հանձնաժողովի ծրագրերի մոնիտորինգի և վերահսկողության վարչության կողմից կազմվել է արձանագրություն, համաձայն որի՝ ցանցային օպերատորի հեռարձակող կայանում ժամը 11:10-ից 11:30-ն իրականացված մշտադիտարկման արդյունքում պարզվել է, որ ցանցային օպերատորի կողմից վերահաղորդվում են թվով 52 հետևյալ տեսալսողական ծրագրերը՝ «Карусель» («Карусель International»), «ABN» («ABN Armenian Business News»), «TB-3» («TB-3 International»), «Телекафе», «Россия-24», «РБК» («ՌԲԿ»), «Կինոման», «ԽաղԱլիք»:

«Բազմոց» («Բազմոց TV»), «Թավա TV», «Հայ TV», «Լայֆ Հաք», «СТС» («USU I (СТС I)»), «НТВ-Мир», «REN TV» («Ռեն ՏՎ I (Рен ТВ I)»), «Перец» («Պերեց I (Перец I)»), «Домашний» («Դոմաշնիյ I (Домашний I)»), «ТНТ» («ТНТ-Comedy»), «5 Канал» («5 Կանալ I (5 Канал I)»), «Euronews» («Եվրանյուզ»), «История», «BRIDGE Шлягер» («Բրիջ ՏՎ Շլյագեր (BRIDGE TV Шлягер)»), «Bridge Rock», «BRIDGE» («Բրիջ ՏՎ (BRIDGE TV)»), «BRIDGE Hits» («Բրիջ ՏՎ Հիթս (BRIDGE TV Hits)»), «Муз», «Classic music», «BRIDGE Русский Хит» («Բրիջ ՏՎ Ռուսկիյ Խիտ (BRIDGE TV Русский Хит)»), «Фիրѐнես TV», «Шансон-ТВ», «National Geographic», «Discovery» («Discovery Channel»), «NatGeo Wild», «Animal Planet», «ID», «TLC», «Пятница!» («FRIDAY International»), «Охота и рыбалка», «ТНТ4» («ТНТ4 International»), «Մուզդոն», «НТВ Хит», «НТВ сериал», «Eurosport 1», «Eurosport 2», «Fox», «Fox life», «Индийское кино», «Comedy central» («Paramount Comedy»), «Кинохит», «Комедия», «Nickelodeon» («Nickelodeon Jr.») և «Հ2»:

Հանձնաժողովի ծրագրերի մոնիտորինգի և վերահսկողության վարչության կողմից իրականացվել է նաև ցանցային օպերատորի գործունեության մշտադիտարկման արդյունքների արձանագրությունում նշված վերահաղորդող տեսալսողական ծրագրերի և ցանցային օպերատորի կողմից 2024 թվականի մարտի 18-ին Հանձնաժողով ներկայացված վերահաղորդող տեսալսողական ծրագրերի ցանկի համադրություն, որի արդյունքում պարզվել է հետևյալը.

Փաստացի վերահաղորդող ծրագրերի և ներկայացված վերահաղորդող տեսալսողական ծրագրերի ցանկի համադրության արդյունքում պարզվել է, որ «ԹՎԻՆԵՏ» ՍՊ ընկերության կողմից ներկայացված վերահաղորդող տեսալսողական ծրագրերի ցանկում ներառված «USU Քիդս» («СТС Кидс»), «Բրիջ ՏՎ Դելյուքս» («BRIDGE TV Deluxe»), Բրիջ ՏՎ Կլասիկ (BRIDGE TV Classic), Բրիջ ՏՎ Ֆրեշ (BRIDGE TV Fresh), Իզվեստիյա (Известия), «VH1 European», «ТНТ Музыкальный», «Food Network HD», «НТВ-Право», «НТВ-Стиль» և «Охотник и рыболов HD» տեսալսողական ծրագրերի վերահաղորդում արձանագրությունը կազմելու պահին չի իրականացվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ «ԹՎԻՆԵՏ» ՍՊ ընկերության կողմից ներկայացված վերահաղորդող տեսալսողական ծրագրերի ցանկում առկա չեն «История», «Classic music», «ID», «Охота и рыбалка», «НТВ хит», «Fox life», «Комедия» և «Հ2» տեսալսողական ծրագրերը, որոնք փաստացի վերահաղորդվել են արձանագրությունը կազմելու պահին:

Հանձնաժողովը, ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով, 2024 թվականի ապրիլի 16-ին ցանցային օպերատորի նկատմամբ հարուցել է վարչական վարույթ՝ հիմք ընդունելով Հանձնաժողովի ծրագրերի մոնիտորինգի և վերահսկողության վարչության կողմից ցանցային օպերատորի գործունեության մշտադիտարկման արդյունքների հիման վրա 2024 թվականի ապրիլի 16-ին կազմված մշտադիտարկման իրականացման և արդյունքների վերաբերյալ արձանագրությունը, որն Օրենքի 42-րդ հոդվածի 18-րդ մասի համաձայն հիմք է

հանդիսանում վարչական վարույթ հարուցելու համար, իսկ հարուցված վարչական վարույթի շրջանակներում ծառայում է որպես վարչական վարույթի ապացույց:

Հանձնաժողովը հարուցված վարչական վարույթի մասին 2024 թվականի ապրիլի 17-ին ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Հարուցված վարչական վարույթի ընթացքում ցանցային օպերատորը Հանձնաժողով է ներկայացրել հետևյալ պարզաբանումը.

«Ի պատասխան Ձեր կողմից 17.04.2024թ. ուղարկված թիվ Ե/04/04.1/330-24 գրության, հայտնում ենք, որ Գրությամբ ներկայացված «Fox Life» և «Հ2» տեսալսողական ծրագրերի վերահեռարձակման համար առկա են համապատասխան կնքված պայմանագրեր, սակայն Հանձնաժողովին ներկայացված ծրագրերի ցանկում առկա չեն եղել: Նշված ծրագրերի համար Հանձնաժողովին արդեն ներկայացվել է թարմացված ցանկ:

Գրությամբ ներկայացված История, Classic Music, ID, Охота и рыбалка, HTB Xum և Комедия տեսալսողական ծրագրերի մասով հայտնում են, որ նշված ծրագրերի փոխարեն Հանձնաժողովին ներկայացված են եղել կնքված պայմանագրերին համապատասխան այլ ծրագրեր, սակայն ալեհավաքների հաճախականությունների փոփոխության արդյունքում նշված ծրագրերը ավտոմատ փոփոխվել են: Ներկա պահին խնդիրը շտկված է և ծրագրերը համապատասխանում են մեր կողմից ներկայացված ցանկին:

Հաշվի առնելով վերոգրյալ պարզաբանումները՝ խնդրում են Թիվինետր ՍՊԸ-ի նկատմամբ հարուցված վարչական վարույթին ընթացք չտալ»:

2024 թվականի ապրիլի 22-ին ցանցային օպերատորը Հանձնաժողովին է ներկայացրել «Թիվինետր» ՍՊԸ-ի կողմից վերահաղորդվող տեսալսողական ծրագրերի թարմացված տեղեկություններով ցանկը:

Հանձնաժողովի հիմնավորումները (պատճառաբանությունը) և եզրահանգումը.

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

Օրենքի 2-րդ հոդվածի 1-ին մասը սահմանում է՝

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, «Տեսալսողական մեդիայի մասին», «Ջանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը»:

Համաձայն **Օրենքի 32-րդ հոդվածի 1-ին մասի 14-րդ կետի՝** Հանձնաժողովն իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին, 3-րդ, 11-րդ և 18-րդ մասերը սահմանում են՝

«1. Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով: Ուղղակի դիտարկման արդյունքները կարող են համադրվել տեսալսողական հաղորդումների հաշվառման էլեկտրոնային մատյանների տվյալներին:

3. Տեսալսողական մեդիայի մասին օրենսդրության պահանջների խախտման վերաբերյալ տեղեկություններ ունենալու դեպքում օպերատորի գործունեության տեղում դիտարկումն իրականացվում է կարգավորող պետական մարմնի նախագահի հրամանի հիման վրա:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:

18. Մշտադիտարկման արդյունքների վերաբերյալ արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես վարչական վարույթի ապացույց»:

Օրենքի 60-րդ հոդվածի 8-րդ մասի համաձայն՝ Օրենքն ուժի մեջ մտնելուց հետո ցանցային օպերատորները կարգավորող պետական մարմին տեղեկություն են ներկայացնում իրենց ցանցում վերահաղորդվող տեսալսողական ծրագրերի մասին:

Օրենքի 49-րդ հոդվածի 1-ին մասի համաձայն՝ Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Օրենքի 49-րդ հոդվածի 5-րդ մասը սահմանում է՝

«Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Հանձնաժողովի կողմից ուսումնասիրվել են վարչական վարույթի նյութերը, և առաջնորդվելով ինչպես գործում առկա, այնպես էլ ներկայացված ապացույցներով՝ ուսումնասիրության արդյունքում Հանձնաժողովն ամրագրում է, որ ցանցային օպերատորի կողմից 2024 թվականի մարտի 18-ին Հանձնաժողով է ներկայացվել վերահաղորդվող տեսալսողական ծրագրերի ցանկը, որտեղ չեն եղել խնդրո առարկա հանդիսացող տեսալսողական ծրագրերը՝ խախտելով Օրենքի 49-րդ հոդվածի 1-ին և 5-րդ մասի դրույթների պահանջները:

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով

սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Նույն օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հանձնաժողովը՝ որպես տեսալսողական մեդիայի ոլորտը կարգավորող պետական մարմին, Օրենքով վերապահված իր վերահսկողական լիազորություններն իրականացրել է ցանցային օպերատորի գործունեության մշտադիտարկում՝ տեղում դիտարկում իրականացնելու միջոցով, և դիտարկման արդյունքում 2024 թվականի ապրիլի 16-ին կազմված արձանագրությամբ նշված տեսալսողական ծրագրերի և ցանցային օպերատորի կողմից Հանձնաժողով ներկայացված վերահաղորդվող տեսալսողական ծրագրերի ցանկի համադրության արդյունքում արձանագրել է, որ ցանցային օպերատորի կողմից փաստացի վերահաղորդվում են մի շարք տեսալսողական ծրագրեր, որոնք բացակայում են վերջինիս կողմից ներկայացված տեսալսողական ծրագրերի ցանկից:

Հանձնաժողովի կողմից ուսումնասիրվել են վարչական վարույթի նյութերը, որոնք համադրվել են Հանձնաժողովի տեղում դիտարկման արդյունքներին, ներկայացված տեսալսողական ծրագրերի ցանկին, և հայտնի է դարձել, որ ցանցային օպերատորն իր գործունեությունն իրականացնում է՝ խախտելով Օրենքի 49-րդ հոդվածի 1-ին մասի պահանջը:

Այսպիսով, վարչական վարույթի նյութերի ուսումնասիրության արդյունքում ամրագրում ենք, որ Օրենքի 49-րդ հոդվածի 1-ին մասով ցանցային օպերատորի լիցենզիա ստացած անձի համար պարտավորություն է սահմանված Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը վերահաղորդել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Փաստենք նաև, որ ցանցային օպերատորը 2022 թվականի հունիսի 16-ից հանդիսանում է Հանձնաժողովի կողմից լիցենզավորված իրավաբանական անձ (սփռման տարածքը՝ ք. Երևան) և պարտավոր է պահպանել տեսալսողական մեդիայի բնագավառը կարգավորող օրենսդրության պահանջները, իսկ Օրենքի դրույթները խախտելու դեպքում կրել պատասխանատվություն Օրենքով սահմանված կարգով, ուստի Օրենքի պահանջի չկատարումն ինքնին բերում է պատասխանատվության:

Ցանցային օպերատորը պետք է հաշվի առնի, որ օրենքներով հստակ սահմանվում են իրավական նորմեր, որոնց չպահպանելն առաջացնում են իրավական հետևանքներ, և ցանցային օպերատորը պատասխանատվություն է կրում տեսալսողական մեդիայի ոլորտը կարգավորող օրենսդրության կիրառման ապահովման համար և տվյալ դեպքում ցանցային օպերատորը պարտավոր էր պահպանել Օրենքի 49-րդ հոդվածի 1-ին և 5-րդ մասերով սահմանված դրույթների պահանջը:

Հաշվի առնելով այն փաստը, որ տեղում դիտարկման արդյունքում պարզվել է, որ ցանցային օպերատորի կողմից վերահաղորդվում են «История», «Classic music», «ID», «Охота и рыбалка», «НТВ хит», և «Комедия» տեսալսողական ծրագրերը, և ցանցային օպերատորը վերահաղորդման թույլտվության վերաբերյալ Հանձնաժողով տեղեկատվություն է ներկայացրել միայն «Fox life» և «Հ2» տեսալսողական ծրագրերի վերաբերյալ, իսկ արձանագրված մնացած տեսալսողական ծրագրերի վերահաղորդումն իրականացվում է առանց պայմանագրերի, ուստի վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է, որ խախտվել են **Օրենքի 49-րդ հոդվածի 1-ին և 5-րդ մասերի** պահանջները: Եվ ցանցային օպերատորի կողմից բերված բացատրությունը այն մասին, որ ավեհավաքների հաճախականությունների փոփոխության արդյունքում նշված ծրագրերը ավտոմատ փոփոխվել են, բավարար հիմք չի հանդիսանում Հանձնաժողովի կողմից Օրենքի դրույթներով սահմանված իրավախախտումը չարձանագրելու և ցանցային օպերատորի նկատմամբ պատասխանատվություն չկիրառելու համար:

Այսպիսով, ցանցային օպերատորի կողմից իրականացվել է իրավախախտում, որը համապատասխանում է **Օրենքի 57-րդ հոդվածի 6-րդ մասի** հատկանիշներին:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) գրավոր նախազգուշացում.
- 2) տուգանք.
- 3) հեղինակազորման կամ լիցենզիայի գործողության կասեցում.
- 4) հեղինակազորման կամ լիցենզիայի գործողության դադարեցում:

Օրենքի 57-րդ հոդվածի 6-րդ մասը սահմանում է՝

«Ցանցային օպերատորի կողմից առանց պայմանագրի վերահաղորդում իրականացնելը

առաջացնում է տուգանքի նշանակում՝ Հասույթի 0.04 տոկոսի, բայց ոչ պակաս, քան սահմանված նվազագույն աշխատավարձի հիսնապատիկի չափով:»

Հանձնաժողովի 2024 թվականի հունվարի 23-ի թիվ 8-Ա որոշմամբ ցանցային օպերատորը վարչական պատասխանատվության է ենթարկվել Օրենքի 57-րդ հոդվածի 6-րդ մասի համաձայն՝ տուգանվելով նվազագույն աշխատավարձի հիսնապատիկի չափով: Վարչական տույժ կիրառելու հիմք է հանդիսացել ցանցային օպերատորի կողմից

տեսալսողական ծրագրերն առանց պայմանագրի վերահաղորդում իրականացնելու Օրենքի պահանջի խախտման փաստը, ինչը նույնական է նաև տվյալ դեպքում:

Օրենքի 57-րդ հոդվածի 31-րդ մասը սահմանում է՝

«Սույն հոդվածի 2-30-րդ մասերով սահմանված հիմքերով վարչական տույժի ենթարկված անձի կողմից մեկ տարվա ընթացքում նույն խախտումը կրկնելը

առաջացնում է տուգանքի նշանակում՝ կիրառված տույժի եռապատիկի չափով:»:

Հանձնաժողովն արձանագրում է, որ ցանցային օպերատորը մեկ տարվա ընթացքում կրկնել է նույն խախտումը՝ տեսալսողական ծրագրերն առանց պայմանագրի վերահաղորդում իրականացնելով, որը համապատասխանում է **Օրենքի 57-րդ հոդվածի 31-րդ մասի** հատկանիշներին:

Ելնելով վերոգրյալից և ղեկավարվելով «Տեսալսողական մեդիայի մասին» օրենքի 2-րդ հոդվածի 1-ին մասով, 32-րդ հոդվածի 1-ին մասի 11-րդ և 14-րդ կետերով, 42-րդ հոդվածով, 49-րդ հոդվածի 1-ին և 5-րդ մասերով, 55-րդ հոդվածի 1-ին մասի 2-րդ կետով, 57-րդ հոդվածի 6-րդ մասով, 60-րդ հոդվածի 8-րդ մասով, «Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասով և 65-րդ հոդվածի 1-ին մասով և հիմք ընդունելով «Տեսալսողական մեդիայի մասին» օրենքի 57-րդ հոդվածի 31-րդ մասը՝ Հեռուստատեսության և ռադիոյի հանձնաժողովը **որոշեց՝**

1. «ԹԻՎԻՆԵՏ» ՍՊ ընկերության նկատմամբ կիրառել «Տեսալսողական մեդիայի մասին» օրենքի 57-րդ հոդվածի 31-րդ մասով սահմանված տույժը՝ տուգանելով կիրառված տույժի եռապատիկի չափով՝ 150 000 (մեկ հարյուր հիսուն հազար) ՀՀ դրամի չափով :
2. Սույն որոշումն ուժի մեջ է մտնում այն «ԹԻՎԻՆԵՏ» ՍՊ ընկերությանը պատշաճ ձևով հանձնելու օրվան հաջորդող օրվանից:
3. Սույն որոշումը կարող է բողոքարկվել Հայաստանի Հանրապետության վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀ**

Տ. ՀԱԿՈԲՅԱՆ

2024թ. մայիսի 08
ք. Երևան